



新刊臨川王荆公先生文集卷之九十六

墓誌

亡兄王常甫墓誌銘

王公墓誌銘

胡君墓誌銘

負外郎邵君墓誌銘

馬漢臣墓誌銘

主簿肅君墓誌銘

祕書丞謝師宰墓誌銘

郎中周公墓誌銘

侍禁周君墓誌銘

參軍周君墓誌銘

真外郎周君墓誌銘

郎中晁君墓誌銘

郎中葛公墓誌銘

亡兄王常甫墓誌銘

先生七歲好學毅然不苟戲笑讀書二十年當慶曆中天子以書賜州縣大置學先生學完行高江淮間州爭欲以為師所留輒以詩書禮易春秋授弟子慕聞來者往往千餘里磨礪淬濯成就其器不可勝數而先生始以進士下科補宣州司戶至三月轉運使以監江寧府鹽院又三月卒又七月癸卯卒之明年四月也實皇祐四年墓在先君東南五步先君姓王氏諱益官世行治既有銘先生其長子諱安仁字

常甫年三十七生兩女嗚呼先生之道德蓄於身而施於家不傳見於天下文章名於世特以應世之須爾大志所欲論著蓋未出也而世之工言能使不朽者又知先生莫能深嗚呼先生之所存其卒於無傳耶始先生常以為功與名不足懷蓋亦有命焉君子之學盡其性而已然則先生之無傳蓋不憾也雖然先生孝友最隆委百世之重而無所屬以傳有母有弟方壯而奪之使不得相處以久先生尚有知其無窮憂矣嗚呼以徂而推存痛其有已耶痛其有已耶先生有文十五卷其第既次以藏其家又次行治藏於墓嗚呼酷矣極矣銘止矣其能使先生傳耶

主客郎中知興元王公墓誌銘

公王氏諱某字某其先著望太原而公之曾大考諱某考諱某皆楚撫州之臨川縣公少力學以孝悌稱於鄉里既壯起進士為漢州軍事推官至則以材任劇在上者交奉之遷大理丞知大名府大名縣就除通判忻州又通判真定府府帥王嗣宗恃氣侮折其屬為不法以故久之莫敢為通判者公行嗣宗固不憚稍侵公以氣公恬然不為校也以禮示之而已嗣宗詘服居十餘日公請視獄中繫者常數百人嗣宗意愠輒久之不問吏亦不敢言治公視獄所當者數十人而已餘悉當釋無所坐於是嗣宗趣有司如公指即日斷出之自是事無不聽公所為公賴分別可否而使其政皆由嗣宗以出雖府人或不知公

於嗣宗日有助也一府遂治而士以此稱公為長者始公中進士時同進有常陵公者嫉公先以被酒取公勅牒裂燒之公為諱其事以失亡告有司而已及後陵公者為屬吏公舉遷之或非公以德報怨公曰受詔舉京官彼今為吾屬而任京官吾則舉之何報怨之謂哉且吾與彼乃未始有怨也蓋公之行已多如此君一歲移知保州又以舉者移知深州又以選移知齊州二州之人皆曰公愛我已而提點刑獄淮南兼勸農事公於為獄務在寬民而以課田桑為急按渠陂之故誘民作而修之利田至萬九十頃天子賜書獎諭後出氏名付大臣召用而當是時丁謂為宰相先是謂以二人屬公善視之曰皆能吏也至則皆有

非公發其狀以聞由此謂欲傷公不果而久之所在任吏  
亦有賊坐即絀公監池州順安鎮酒稅會 今上即位移  
滁州又移知興元府自丁謂得罪徙南方論者皆以公宜  
復用而公亦且得疾不起矣享年六十二官至尚書主客  
郎中明年天聖七年葬和州之歷陽縣後若干年公夫人  
張氏葬而公墓墊乃改卜合葬於真州揚子縣萬寧鄉銅  
山之原公子六人於是存者二人曰某為殿中丞曰某為  
進士其四人皆已卒曰某開封士曹參軍曰某楚州寶應  
縣主簿曰某曰某為進士而公以殿中君積贈官至右諫  
議大夫某公兄孫也受命於叔父而為銘銘而次公之行  
事不能詳者以不得事公而公之沒叔父皆尚少故也嗚

呼於公之行事雖不得其詳而其略所聞如是蓋可以考  
公德矣銘曰

王亡晉封遠跡南土公始有廟受其禰祖孰強而勝孰忌  
以爭孚予恭寬在室而亨疑匕之節因時乃發曰黜予咎  
匪仇予過避善不名亦不隕聞寘銘新基維以長存

### 胡君墓誌銘

王某之治鄴三月其故人胡舜元凶服立於門揖入問弟  
故則喪其天五月留而館意獨怪其來之早也居數月語  
吾弟曰吾釋父之殯跋山浮江從子之兄于海旁願有謁  
也又矣不敢以言吾親之生我幸於四方不得所欲以養  
今已不幸卒也得子之兄誌而銘之墓中可以顯於

今世以傳於後雖吾小人与榮焉無悔焉不知子之兄可  
不可吾弟以告予歎曰審如是可以為孝君子固成人之  
孝而吾与之又舊其何顧而辭即取吾所素知者為之誌  
而銘之誌曰君諱某池之銅陵人生於丁丑興國之年也  
卒於丁亥是為慶曆七年子七人某以十月葬君於谷垂  
山胡氏世大家闔門數百人君有子舜元獨招里先生教  
之為士其卒也族分而貲衰舜元為善士銘曰壽七十一  
不為不多吾与之銘千古不磨

屯田員外郎邵君墓誌銘

邵公既國燕其子孫處者猶食其初邑至後世遂為邵氏  
今有田里丹陽者獨為大家其所出往々稱天下君丹陽

人也諱某字某少敏爽皇考某欲大就之為破貲聚留師  
賓以發其材及壯行內脩不操飭為名而有譽於為士者  
年四卜始以進士出佐鎮東軍積功次入尚書為屯田員  
外郎通判亳州遭母夫人某氏喪不行以卒君工為詩歌  
喜飲酒与人交恬如也尤不好官爵至京師一不問權貴  
人所舍事有類君者自言得遷或勸君自言終不許然起  
家十九年更三縣以材奏君者甚眾卒之明年皇祐某年  
某月第某葬君某所以夫人某氏祔子男兩人曰某曰某  
一女尚幼銘曰

乘於朝葬於里厥嬪祔之祭則子以完歸親維有

馬洪臣墓誌銘

谷淝人馬仲舒字浚臣其先茂陵人父臯為江東掾發寘其家金陵浚臣因入李齒諸生為人喜酒色其相語以褻私侈為主父母不欲之又隆愛之不能逆其意以教也然浚臣亦踈金錢急人險難不自顧計於衆中尤慕述予予亦職其可教以禮法開之果大寤遂自控刻務以入禮法從予李作進士既數月其章燦然充其科者也浚臣長予四年予兄弟視之浚臣視予則師弟子如也嘗助予叔父之喪若子姓然慶曆六年浚臣冠五年矣從予入京師得進士奉六月病死時予亦病其叔父在京師因得棺歛歸金陵殯之某年某月乃葬于某處孔子曰秀而不實者有矣夫浚臣幾是矣噫誌其墓云

贛縣主簿蕭君墓誌銘

君諱化基字子因實蕭氏其先有自長沙避地廬陵者曰霽方李氏有江南為洪之武寧公於君為曾大父其後再世曰煥曰良輔皆不仕至君之元侍御史定基始以材起為名家而追贈其皇考尚書工部員外郎君於工部為少子少謹厚能自力業其世以善富既御史貴得任子弟君猶私其能不願治民然御史竟官君為明之奉化尉主簿於虔之贛縣監真州酒估慎祗脩在勢者任之春秋六十二至和元年四月癸酉以官卒其子汝霖汝能汝為汝正護其柩歸以十一月壬午葬其縣之儒行鄉白沙原夫人楊氏前葬矣今不祔先人於御史以第交君子夫人行也

二父皆有子知名南方交於子以故請銘銘者所以名前人而燕孝子之心也於是為銘銘曰

辭矣肅宗楚產之良繩繩主簿有善其鄉我脩不苟為康圖銘擴石維後之藏

秘書丞謝師宰墓誌銘

君姓謝氏諱景平字師宰尚書兵部員外郎知制誥陽夏公贈禮部尚書諱絳之子大子賓客陳留公贈禮部尚書諱溥之孫泰寧君掌書記贈尚書吏部侍郎諱崇禮之曾孫初以祖父蔭試秘書省校書郎守將作監主簿既而中進士第僉書崇信軍節度判官總公事監楚州西河轉般倉累官至秘書丞年三十三以治平元年十二月庚申卒

妻尹氏生男女四人皆前死其兄以其年某月某日葬於鄧州穰縣五隴山南謝氏故家河南維氏君六世祖任吳越故自陳留公以上三世葬杭之富陽至君始葬陽夏公於鄧為穰人而今以君附葬君於忿不伎於欲不求雖李之力亦其天性故其孝弟忠信寬柔遜讓莊靜謹潔稱於兒童以至壯長而成不死其志施不盡其材此李士大夫所以哀其死而乃為之出涕也然君文李政事言語已能自達於一時其於道德之意性命之理則求之而不至聞矣而不疑嗚呼可謂賢已銘曰陽夏四子皆賢而材李也早死吾銘其埋今又銘叔嗚呼可哀古之死者以死為息嗟叔方剛何塌之亟昭昭者逝疑亡者藏為識在斯銘則

不七

尚書刑部郎中周公臺誌銘

周氏其先自華陰入蜀也孟氏時公之皇考諱敬述以文章知名嘗至要官任事矣孟氏亡因不復仕而天子召以為壽州下蔡令由下蔡以為太子中允知江州賜紫衣今魚使撫初附之民其後為秘書丞知秦州以卒而得州之北原以葬有子四人其卒皆位於朝而公第二公諱嘉正字幹之少與其弟俱以進士甲科起家為通州軍事推官其後通判廣州提點福建刑獄知壽州為三司鹽鐵判官故宰相丁謂慮其材天子以為河北轉運使而公不就已而謂得罪公坐出知金州又知海州又知濠州而以

工部郎中分司南京歸治疾于海陵之第明道元年以恩遷刑部二年年六十四以卒公寬厚而蕪清而其才尤長於政事自為推官時已能有所建易為士民所記及奉使福建獄有冤輒辨有疑若可貸輒以聞所活至數十人而其治大抵遇姦吏為獨急子男五人曰蒙先今為武康軍節度推官監台州稅曰彥先為右侍禁知循州興寧縣曰茂先為泰州司法參軍曰行先為山南東道節度推官知江德彭澤縣曰嗣先為進士女七人皆嫁為士大夫妻嘉祐三年三月壬申公子與孫葬公考秘書丞贈尚書工部侍郎之兆東以安美縣君錢氏附縣君實左右公以有家者也銘曰周遷于蜀爰自先人考有四子癸于海濱公有

今聞貴維友子歸寬民人施刻在已方飛方 方 于天  
既鍛以歸既墮于泉有高其後有一其前作為銘詩兆此新所  
右侍禁周君墓諸銘

君周氏諱彥先字師古曾大父諱瓌贈大理評事大父諱  
述秘書丞贈尚書工部侍郎考諱嘉正尚書刑部郎中君  
少以郎中君蔭補三班奉職監泗州浮譜又監楚州船揚  
為揚泰州巡檢而近臣薦君閤門祗候大臣曰周某可用  
矣然吾將試之邊乃以為瀛莫等七州軍沿邊巡檢邊人  
兩界上為群盜君得姓名以白安撫使移之契丹契丹悉捕  
斬之自是父之邊無盜也已而君上書言漕事又言邊將使  
入耕邊以給公使不即禁止往往能生事於是邊將大怒

而君所部卒有犯法者因詆君以不詰坐是監廣州清遠  
縣鹽場轉運使留君以監市舶它吏方習為姦賊事而君  
獨不買船中一物轉運使嘗數稱君以媿它吏而薦君以  
知循州之興寧縣至則相縣南三十里寧昌驛以為治所  
而吏自此得不以瘴死然君既得疾於興寧矣遂卒卒時  
年四十二縣人以君為能撫我思之也君先夫人盛氏尚  
書工部侍郎諱京之子後夫人王氏尚書主客郎中諱貫  
之之子皆有賢行五子濤洵洵渥澣皆為進士二女子嫁  
如臯史堪德安鄭汾亦皆為進士而濤今為著作佐郎知  
汝州梁縣以嘉祐三年三月壬申葬君皇考郎中之兆次  
而以先夫人附臨川王某為銘曰

君弟吾嫂夫人吾姑君能有家不失疾徐治兵與民威愛之孚銘昭子孫以告不誣

泰州司法叅軍周君墓誌銘

君周氏諱茂先字去華其先成都人至君大父諱述為秘書丞知泰州以卒始葬泰州之北原而子孫遂為州人不  
去父諱嘉正尚書刑部郎中君以父蔭為楚州司戶叅軍  
又為泰州司法叅軍皆有能名明道二年五月刑部君終  
于第君思慕哭泣至其年十月亦卒於是君年三十二夫  
人南陽張氏守其孤不嫁其后孤渙以進士起家洪州南  
昌縣主簿二女子嫁池州貴池縣尉宣城杏塾進士建安  
吳觀而以嘉祐三年五月壬申葬君北原之北銘曰

綿綿之孤屬于單妻既侍而殖龜錫吉命曰維孝子從先  
人宅

尚書屯田員外郎周君墓誌銘

君周姓諱濤字哉道中唐睿宗六年進士甲科歷亳州觀察  
推官撫州軍事推官著作佐郎秘書丞太常博士尚書屯  
田員外郎知汝州梁州錢唐二縣內行敏能為政壹自  
急飭視民疾如在己不肯釋事實為名聲要利所在民愛  
譽甚於士大夫治平三年六月在京師授簽書梓州判官  
事七月十三日以官卒年四十有四曾祖諱述故郫人皇  
祕書丞贈工部侍郎始占海陵以葬祖諱嘉正皇刑部郎  
中父諱彥先終右侍禁贈右監門衛將軍妻曰昭德縣君

錢氏子男五人穉種扶藜以其年十月十六日葬君揚州江都縣同軌南鄉東武里銘曰

於勢與聲躋循弗爭無忌其生於善與恥操終如始有哀其死

虞部郎中晁君墓誌銘

尚書虞部郎中晁君諱仲參字孝先以治平四年五月九日卒於通判舒州事其子以熙寧二年正月二十九日卜涿州任城縣諫議鄉呂村之原以葬狀君之行來乞銘其語為銘曰晁望潁川衛有鄉丙錯以術用作漢家令魏晉南北史無傳人良正官唐仍不大振開封于家徒鉅野縣辟時難屯出宋而顯迴奮布衣太子太師宗慤東政

父子一時三朝四世錫榮立墓佳令中書為君曾祖有子迪者刑部侍郎乃生宗簡世德孔揚使京東西即干刑部君實其嗣少則多譽仲父保任主簿上虞宰墨隳政易君仕初從容調聊史莫玩法墨以廉終弱伸強懾按察擾獄夙如我謀君不為奪械囚于州將范文正歎愛而謂畏宜繩私公勇勿畏君願持此畢身無尤薦監越酒旋宅父憂判官于滁擢丞大理汝州郟城來知縣事富姓賅吏寓田勢家役煩且窘中戶愁嗟君哀偽券應手即辨完蠹噓枯俗戒以勸秦王諸孫上冢入郭卒榜驛隸君擒而誅將劾中人匿車夜遁移內侍省罪令即訊乞明年至徒御無諱能聲震越號稱其家易曹濟陰太子贊善督尉素盜里閭

宴術馬入罷牧地起于民厨傳真劇輸之殆貧君曰閔哉  
責豈無豫操書鑄守多絀其數遷官博士去領開州大築  
學校率衣冠游温湯之鹽實不酬課歲蠲五萬奏自君可  
氓疾不治謂巫代鑿教以餌藥盡投詭祠失怙恃者子其  
娶嫁坐堂朝脯飲酒間暇英宗慕極負外子虞比駕二部  
閱最而除今 天子恩始正即位攝舒暮年條教逾肄殍  
來鄰邦賑使無僵扶携飽去又遺之種敦於除害未始愛  
力取樅陽河避羅刹石折池口征合于銅陵官不失笑丹  
無老行人幸是為曠數十載趨令驢呼無有稚艾孤山馬  
當歲漂百航鑿秋口浦立走雷江脫險風濤幾五百里章  
隨驛聞就付其事方冬告役君夏而徂壽五十五識者歎

吁齊公孫氏作配甚似封永康君誕惟四子端仁端義端  
禮端智仁中進士常州司理義郊社郎餘則未仕五女四  
人歸為士妻石端侯妾歸而娶范胡二壻純粹僧孺幼  
處于家君孫有五男節符錢其二則女惟君平生外晦內  
明許出不意默無與爭祿調族姪息稱疏戚庖無朝炊笑  
語如昔晚尤靜曠病不告遺極談性命方絕之時子丐埋  
辭衰麓走汴掇其緒餘以質幽窶

度支郎中葛公墓誌銘

葛公姓也源名也宗聖字也處州之麗水公所生也明州  
之鄞後所遷也貫曾大考也遇大考也狂累贈都官郎中  
考也進士公所起也洪州左司理參軍吉州太和縣主簿

江州德化縣令監興國茶場威武軍節度推官知廣州四  
會縣著作佐郎知開封府雍丘縣秘書丞知泉州同安縣  
太常博士通判建州屯田員外郎知慶成軍都官員外郎  
知南劍州司封員外郎祠部郎中江浙荆湖福建廣南提  
點銀銅坑冶鑄錢度支郎中荆湖北提點刑獄此公之所  
閱官也州將之甥與異母兄毆人而甥殺之州將脇公曰  
兩人者皆吾甥而殺人者乃其兄也我知之彼大姓也無  
為有司所誤不然此獄也將必覆公劾不為變此公之為  
司理參軍也州符徙吉水行令事他日令始至大猾吏輒  
誘民數百訟庭下設變詐以動令如此數日令厭事則事  
常在吏矣公至立訟者兩廡下取其

狀視有如吏所為者使自書所訴不能書者吏授之往  
往不能如狀窮輒曰我不知為此乃某吏教為也悉捕  
劾致之法訟以故少吏亦終不得其意氏寡婦告其子以  
息義說之不得即使人微捕得之與問語者驗其對乃書  
寡婦告者也窮治具服為私謀誣其子孫距州溪水惡而  
歲租幾千萬碩丹善敗民以輸為愁公始議縣置倉以受  
輸則官漕之亦便州不聽公論之不已倉成至今賴其利  
此公之為主簿也中貴人擊驛吏取所給過家以言府府  
不敢劾公曰中貴人何憚為吾民而有陵之者吾亦恥之  
上書論其事中貴人坐絀此公之為縣於雍丘也屬吏常  
有隙於公同進者因讒之公察其旨不聽以為舉首此公

之為州於南劍也鑄錢歲十六萬其所施置後以為法程  
此公之為銀銅坑治鑄錢也鄂州崇陽大姓與人妻謀而  
殺其夫州受賂出之公使再劾劾者又受賂獄如初而公  
終以為不直其弟訴之轉運使雖他在事者亦莫不以為  
冤復置之獄卒得其姦賂狀論如法此公之為提點刑獄  
也甲子四百三十五公所享年也至和元年六月乙未卒  
之年月日也潤州之丹徒縣長樂鄉顯陽村公所葬也嘉  
祐元年十月壬申葬之年月日也鄉邑孫氏今祔以葬者  
公元配也萬年縣君范陽盧氏公繼配也良肱良佐良嗣  
公子也妻太常博士黃知良曰今華縣君公女也起進士  
為越州餘姚縣尉至公之喪而請銘以葬者九十六卷

臨川主荆公先生文集卷之九十七

墓誌

王逢 原墓誌銘

宋尚書司封郎中孫公墓誌銘

張常勝墓誌銘

荆湖北路轉運判官尚書屯田郎中劉君墓誌銘

廣西轉運使李君墓誌銘 并序

國子博士致仕李君墓誌銘

朝奉郎守殿中丞前知興元府成固縣楊君墓誌銘

都官郎中致仕周公墓誌銘

宋尚書司封郎中孫公墓誌銘

公諱錫字昌齡曾祖釗祖易從父再榮皆弗仕及公仕贈  
其父至尚書兵部侍郎公以天聖二年進士起家和州歷

陽無為其二縣主簿部使者及兩制以御札舉者十餘人  
改鎮江軍節度推官知杭州仁和縣籍取凶惡戒以不改  
必窮極按治而治其餘一以仁恕故縣人畏愛之以兵部  
喪去三年乃用舉者以集慶軍節度掌書記充國子監直  
講豫校史記前後漢書南北史脩集韻選蘇王宮伴讀教  
導有法宗室召燕飲未嘗往居頃之改著作佐郎當罷矣  
又留為國子監丞講讀七年乃用舉者召試集賢校理同  
知太常禮院判吏部南曹登聞鼓院為開封府推官賜緋  
魚坐考鑠聽進士舉籍中有不中格者兩人降監和州清  
酒務當是時龐宰相為樞密以薦且侍講禁中方召而公  
以謫去久之會明堂恩召還同判尚書刑部先時主者多

持事往決於中書公獨視法如何不往戎州人向吉持操  
兵賈販侍其衆所過不輸物稅州縣捕逐皆散走成都鈐  
轄司奏請不以南郊赦除其罪從之逮捕親屬繫獄至更  
兩有詣闕訴者刑部詳覆官以為持勅遇赦不原者雖  
數赦猶論如法公獨奏釋之凡釋百二十三人公於議法  
多如此復為開封府推官當隨尹奏事仁宗問大辟幾  
何且以慎刑愛人為戒公因奏開封勅有重於編勅而當  
改者數事仁宗皆以為然它日問尹以公姓名稱之於  
是貴戚女使有奏讞上薄其罪付公監決曰此人平恕可  
任也道士趙清貺出人龐宰相家受賂御史以劾龐府治  
實清貺自為龐不知也清貺坐杖配沙門島行兩日死御

史又劾府希宰相指故杖清貶殺之滅口 仁宗亦疑乃  
悉罷知府推判官而以公知大平州初清貶事獨判官王  
昉劾決公不自辨也未幾 仁宗即寤罷者皆復而以公  
提點淮南路刑獄在淮南二年所請大辟十三人考課為  
天下第一所舉多善士未嘗聽人請屬還為三司戶部判  
官求知宣州許之特詔秩祿視轉運使至則召五縣令約  
以州所下書有不便封還故縣得自為政而州無事且滿  
州人詣轉運使提點刑獄乞留還又知舒州發常平廣惠  
倉以活陳許穎蔡流人及歸計口量遠近給食遺去上者  
率錢買香焚之府門以祝公至或感泣初提點刑獄恐聚  
流人為盜又借常平廣惠倉數牒止公不聽中以手書又

不聽佐屬甘爭曰不可公行之自若比代去州人闔城門  
留之薄暮與爭門乃得出遂以告老致仕於是官至尚書  
度支郎中取官至朝奉郎勳至上柱國 今上即位迂司  
封賜金紫以熙寧元年正月十二日卒年七十八孫氏世  
為廣陵畱姓兵部兄弟五人其季婦有子寡欲分財以義  
譬解不得乃悉推田宅與諸兄弟脫身携公居建安軍揚  
子故今為共州人諸兄弟後破產而兵部居揚子又卒為  
畱姓為公十里迎師立學舍市書至六七千卷公感勵奮  
激誦習忘寢食年十九舉進士開封第二坐同保匿服罷  
而再舉又弟二當是時以文學稱天下及仕號為忠厚正  
直終身未嘗言利而貧不以為悔鄉人尤歸其長者有

文集二十卷初娶莊氏早卒又娶裴氏刁氏刁氏封壽安縣君亦前死子湜澄沫淵淑湘早卒溱太廟齋即後公數月死澄楚州主簿洙祕書丞集賢校理漸太廟齋即文十人一人嫁三人未嫁三人嫁而卒三人未嫁而卒九月十六日且矣公揚子縣懷民鄉北原銘曰

於戲孫公直其道為之少時以濟壯老人信公行承趨薦保天順公德與公壽考維公有子喪事哀祇慰其考思用此詔詩

荆湖北路轉運判官尚書屯田郎中劉君墓誌

銘并序

治平元年五月六日荆湖北路轉運判官尚書屯田郎中劉君年五十四以官卒三年卜十月某日葬真州揚子縣

蜀岡而子洙以武寧章望之狀來求銘意余故人也為序而銘焉序曰君諱牧字先之其先杭州臨安縣人君曾大父諱彥琛為吳越王將有功刺俱州葬西安於是劉氏又為西安人當太宗時嘗求諸有功於吳越者錄其後而君大父諱仁祚辭以疾及君父諱知禮又不仕而鄉人稱為君子後以君故贈官至尚書職方郎中君少則明敏年十六求舉進士不中曰有司豈枉我哉乃多買書閉戶治之及再舉遂為舉首起家饒州軍事推官與州將爭公事為所擠幾不免及後將范文正公至君大喜曰此吾師也遂以為師文正公亦數稱君勉以學君論議仁恕急人之窮於才物無所顧計凡以慕文正公故也弋陽富人為客

所誣將抵死君得實以告文王公未甚信然以君故使吏  
雜治之居數日富人得不死文正公由此愈知君任以事  
歲終將奉京官君以讓其同官有親而老者文正公為歎  
息許之曰吾不可以不成君之善及文正公安抚河東乃  
始舉君可治剽於是君為兗州觀察推官又學春秋於孫  
復與石介為友州旱蝗奏便宜十餘事其一事請通登萊  
鹽商至今以為賴改大理寺丞知大名府館陶縣中貴人  
陸契舟使往來多擾縣君視遇有理人吏以無所苦先是  
多盜君用其黨推逐有發輒得後遂無為盜者詔集強壯  
剽其手為義勇多惶怖不知所為欲走君論以詔意為言  
利害皆就刺欣然曰劉君不吾欺也留中擢其能雖府事

往七咨君計策用奉者通判廣信軍以親老不行通判建  
州當是時今河陽宰相富公以樞密副使上河北奏君掌  
機宜文字保州兵士為亂富公請君抚視君自長垣乘驛  
至其城下以三日會富公罷出君乃之建州方井屬縣諸  
里均其徭役人大喜而遭戕方君喪以去通判清州又以  
母夫人喪罷又通判庐州朝廷弛茶權以君使江西議均  
其稅蓋期年而後反客曰平生聞君敏而敢為今濡滯若  
此何故也君笑曰是故君之所能易也而我則不能且是  
役也朝廷豈以為它亦曰愛人而已今不深知其利害而  
苟簡以成之君雖以吾為敏而人必有不勝其弊者及奏  
事皆听人果使之除廣南西路轉運判官於是修險阨募

丁世以成卒徙倉便輸考攝官功次絕其行賕居二年  
凡利害無所不與廢乃移荆湖北路至踰月卒家貧死以  
為喪自棺槨諸物皆荆南士人為具君娶江氏生五男二  
女男曰洙沂汝為進士洙以君故試將作監主簿餘尚幼  
初君為范富二公所知一時士大夫爭譽其才君亦慨然  
自以當得意已而屯遭流落抑沒于庸人之中幾若矣乃  
稍出為世用若將有以為也而既死此愛君者所為恨惜  
然士之赫赫為世所願者可睹矣以君始終得喪相除亦  
何負彼之有哉銘曰  
嗟乎刘君宜寿而顯何畜之久而施之淺雖或止之亦或  
使之唯其有命故止於斯

廣西轉運使李君墓誌銘并序

君諱寬字伯強姓李氏其先隴西人後移光山至君六世  
祖又移建安今為南昌人者以君大皇考為鼻祖君皇考  
諱某以太子洗馬致仕終尚書虞部郎中其贈官至衛尉  
卿大皇考諱某以殿中丞致仕其贈官至吏部尚書曾大  
皇考諱某當五代之亂無爵祿以尚書故贈大理評事君  
始以世父蔭守將作監主簿監洪州鹽院用歲課倍得知  
袁州宜春縣改知福州福清縣當是時能聞朝廷矣就除  
通判桂州又通判江州二州皆治遂知吉州請於天子  
立亭以教孝者常三百人施方略捕盜賊無眾寡遠近必  
得以至米監酒權皆為除弊致利移衡州不赴改江州上

人曰是嘗泣我矣不待至而服未幾移潤州不赴改信州  
又不赴改太平州轉運使言饒大尉州將不能治而太平  
不足用君乃換饒州屬縣惡吏聞且至有弃其官而去至  
則禁巫医之罔民案畜蠱者遂以無事安撫使言治行於  
江南為第一母夫人終去位三年知虔州將行三司請君  
制置糧草河北一歲減緡錢八十七万由此提點江浙等  
路鑄錢坑冶以衛尉者奏徙治所南昌從之移提點荆湖  
北刑獄辭不往又請便官以養乃改江西居一月遭衛尉  
喪服除父之尚不忍去墓所詔就起君提點江東刑獄又  
移京西除廣西轉運使自儂智高反宿軍邕州歲漕不足  
乃多治船設賞罰而邕軍食以有餘所部攝官以三十四

員為額待攝常數十百人一員闕皆爭昧吏君第其課為  
三等有關以次補攝官不昧吏由此始二廣使者故不以  
春夏出會有詔閱邊卒君即出道遇瘴歸卒年六十治平  
二年九月二十三日也初李氏既居江南尚書未老致其  
事歸養其子侍郎以分司歸亦未老當侍郎之歸衛尉又  
以從其兄弗仕仍世德義為南人所慕君既生有美質而  
積習名教自為兒童侍衛尉側不惰終日及壯砥礪以材  
能自顯其於吏治精杜果敏機張鍵閉效不可知日所指  
取必得其情狀故所在豪人猾吏重手累足以終君去不  
敢有所觸君視遇其屬士大夫賢者尤謹所被率過百人  
後多知名云夫人胡氏仁和縣君子男五人長曰承勉宣

州旌德縣令早卒次日亞夫太廟齋即日獻夫試將作監  
主簿曰渭夫試祕書省校書郎曰太平奴方晬而夭女二  
人長適蘇州常熟縣主簿余公弼次適大理寺丞田真卿  
孫男三人君與弟尚書司門郎中定相交愛尤篤遺奏以  
司門之子簡夫聞詔除司門知太平州補簡夫郊社齋郎  
又詔君喪所過州發卒護送以明年二月歸殯于洪州某  
月某日葬新建縣桃花鄉曹山去先墓五里君所自為壽  
藏也君積散官至朝奉郎戡事官至尚書金部郎中勳至  
護軍賜服佩至三品銘曰

李姓章浦自君考祖弃闔祖迁均望此荆楚君於治人無有  
黨讎却我千里如農一丘孀姦鉏疆以俎善柔均之利澤

深時平樓乃登祿寶尚饋春秋君能孝祀君則冬子有來  
無窮其視章水

國子博士致仕李君墓誌銘

朝奉郎國子博士致仕騎都尉賜緋恩袋廣陵李君者諱  
問字某以數舉進士賜同學究出身嘗為韶州樂昌無為  
軍庐江二縣主簿河中府臨晉縣令以昭德軍節度推官  
知刑州平鄉縣以大理寺丞知蘇州吳江衢州江山二縣  
又以太子中舍殿中丞監在京箔場太平州蕪湖縣酒稅  
遂告老會 今上即位迁博士至明年而卒又明年十二  
月二十五日葬廣陵其鄉某里君善為詩當時各人柳開  
王禹偁稱之少貧幾不自存有姊氏以田宅弗取也及為

吏所在推誠愛人人至不忍有所負以累君去輒遮泣挽留及老矣而弥貧然終不以貧故交節有所取年九十精悍如此及將卒尚讀書與家人笑語自若投其書若將寐者遂卒也時治平元年十一月十一日也李氏故今陵人其後迁高郵又迁廣陵君曾祖諱某祖諱某考諱某以君故贈殿中丞君娶開封浩氏有两男子察山南東道節度推官蚤卒定集慶軍節度推官一女嫁杭州新城縣令許仲蔚定有文行後余遊故輿為銘也曰

新曠平窾幽密工相方史評曰於惟君考此室猶其永寧尚終吉

朝奉郎守殿中丞前知興元府成固縣楊君墓

誌銘

揚氏自太尉震守節於漢以死而將相名臣之族多出於華陰歷八九百年以至於今不絕為士大夫家而尚能譜大尉之昭穆當五代之亂君曾祖諱某者在吳越因相其王王迁國除於太宗之時而國相之子孫歸仕於天子又多賢显尚書刑部郎中諱某者君皇祖也尚書司封郎中諱某者君皇考也揚氏之為江都人者自君皇考始君諱某字公適幼詳敏知好文學故我叔祖興元府君嫁之以其子及長而仕號為能吏所在官治多宰者自太廟齋郎更九官而以殿中丞知興元府成固縣事治平元年歸得疾於楚州二月二十一日卒年六十五夫人王氏即

吳元府君尚書主客郎中諱某之女五男子湜洙洽滌濤  
湜宿州符離縣尉餘皆進士洙洽前死四女子其已嫁者  
二人太常少卿呂琇試將作監主簿孫縉者君壻也其一  
人未嫁而前死諸子孫以二年十一月四日葬君江都東  
吳鄉之北原以某嘗得侍君而君知之於少時者也故屬  
以銘曰

赫也太尉窮于季世華陰之楊終燭而昌艱難徂迁亦相  
其王王以家朝相隨內屬有子有姓尚多顯服君勸厥紹  
考終世祿書銘在京兆實初卜

都官郎中致仕周公墓誌銘

尚書都官郎中南康周公卒之明年皇祐五年堊某  
所子蘊詠使請銘次其語曰公諱某字某其先占蔡  
之汝陽唐末遇亂於光蘄遷江州之星子鎮太平興  
國中以鎮爲縣又以爲南康軍故今爲南康人焉曾  
大父某大父某當李氏時皆以學行爲處士家皇考  
某累贈尚書職方郎中始以進士起至尚書屯田郎  
中求監池之永豐監遂致仕已而今天子大享明  
堂恩除都官于家以卒嘗令岳之沅江壽之霍丘池  
之建德邛之依政河南之洛陽凡五縣通判池州守  
二州曰蓬曰安其治之寬嚴視事劇易尤惠於池蓬

蓬人愛思至爲公畫像在洛陽明肅太后使中貴人  
用事者來留守傾身媚附之中人諷公請已獨拒之  
不往故相張士遜薦爲公說書國學且論公見執政公  
固謝之其爲學果行蓋有世士夫所難者卒時春秋  
七十七戒喪葬無用浮屠說有文十卷世傳之先夫  
人 氏封 王 縣君 二子 蘊保信軍節度推官 詠太  
廟齋卽銘曰  
余聞異時宦官之幸雖隆名尊爵有紀於時者往往  
爲之誑焉又觀古之士能無沐身以市於貴勢蓋亦  
少也信公之所守則其賢遠矣我銘公藏不列其他  
惟茲之存以勸毋邪

張常勝墓誌銘

君湖州烏程縣人姓張氏名文剛字常勝好學能文  
孝友順祥再舉進士不第年二十七熙寧五年九月  
九日卒以六年二月十日葬于鳳凰山曾祖任祖維  
贈刑部侍郎父先尚書都官郎中致仕女三人君妻  
予從父妹也故君從予學銘曰  
才足以貴而莫之知善足以壽而止於斯嗚呼逝矣  
兮銘以哀之

王逢原墓誌銘

嗚呼道之不明和豈特教之不至也士亦有罪焉嗚  
呼道之不行和豈特化之不至也士亦有罪焉蓋無

常產而有常心者古之所謂士也士誠有常心以操  
聖人之說而力行之則道雖不明乎天下必明於已  
道雖不行於天下必行於妻子內有以明於已外有  
以行於妻子則其言行必不孤立於天下矣此孔子  
孟子伯夷柳下惠楊雄之徒所以有功於世也嗚呼  
以予之昏弱不肖固亦士之有罪者而得女焉余女  
字逢原諱令姓王氏廣陵人也始予愛其文章而得  
其所以言中予愛其節行而得其所以行卒予得其  
所以言浩浩乎其將公而不窮也得其所以行超超  
乎其將追而不至也於是慨然歎以爲可以任世之  
重不有功於天下者將在於此余將友之而不得也

嗚呼今弃予而死矣悲夫逢原左武衛大將軍諱奉  
諱之曾孫大理評事諱珙之孫而鄭州管城縣主簿  
諱世倫之子五歲而孤二十八而卒卒之九十三日  
嘉祐四年九月丙申塋于常州武進縣南鄉薛村之  
原夫人吳氏亦有賢行於是方娘也未知其子之男  
女銘曰

壽胡不多天實尔嗇曰天不相胡原尔德厚也培之  
嗇也推之樂以不罷不怨以疑嗚呼天民將在于茲

新刊臨川王荆公先生文集卷之六十八

墓誌

御史王公墓誌銘

孔處士墓誌銘

致仕王君墓誌銘

以上三篇見後

負外郎張君墓誌銘

謝景回墓誌銘

參軍杜君墓誌銘

金溪吳君墓誌銘

南京沈公墓誌銘

吳錄事墓誌銘

郡公宗辯墓誌銘

南康侯仲行墓誌銘

華陰侯仲厖墓誌銘

祁國公宗述墓誌銘

以上四篇見後

將軍仲夔墓誌銘

大將軍世仍墓誌銘

朝奉郎尚書司封員外郎張君墓誌銘

朝奉郎尚書司封員外郎知安州軍州兼管内勸農事騎都尉賜緋魚袋借紫張君年五十六以皇祐二年十二月十一日卒以熙寧元年某月某日葬君諱禕字聖休餘杭人曾祖曰浩祖曰文寶弗仕考曰延遇仕至左侍禁贈官至左驍騎將軍君少孤與其弟祇皆文行知名以布衣教

授宗室後中進士第歷宣州宣城縣主簿撫州司法叅軍用舉者遷大理寺丞知雅州名山洪州奉新兩縣監海州推貨務通判池廣兩州乃自尚書屯田員外郎召拜殿中侍御史用磨勘遷侍御史劾奏殿前都指揮使郭承祐恃恩驕嫚論宦官雖高不當坐侍燕而謫請求者又論不當禁諫官御史風聞言事仁宗皆以為然君之為吏也然決疑獄所至稱辨治及是言事又能舉其職方是時為御史者拔舉多不次君素寬裕靜退耻以彈治人得用未幾即稱疾求出乃知安州州大治會卒人追喪車慟哭初驍騎府君監湖州兵遂葬卞山至是君從葬以夫人京兆縣君施氏附施氏生一子雅恭為進士一女適信州司理叅

軍王汝孫太正大成亨六

鈞今尚幼君事母孝友其弟甚篤於權勢財利能廉吏治  
尤可紀在廣州奏請城之未及築外郭而召後儂智高友  
州人賴君所築活以不卒功為恨名曰 有嘉張君質靜  
寬徐進非所好人用稱譽視利在前躡循弗趨退施一州  
用智之餘嘻其美矣次有銘書

謝景回墓誌銘

君姓謝氏諱景回字師復以泰寧君節度掌書記諱崇禮  
者為曾大父以太子賓客陳留公諱濤者為大父而兵部  
員外郎知制誥陽夏公諱絳者之少子也幼好學有大志  
聰明卓然不類童子年十九所為文辭已可傳載於是得

疾不可治以嘉祐四年十二月丙子棄世於漢東人莫不  
為謝氏哀之諸兄以八年十月乙酉葬于鄧州穰縣五壟  
原之兆而臨川王某為銘曰

攻乎其為良法乎其為精吾見其質吾聞其聲如或毀之  
用不既於成哀以銘詩亦慰其兄

真州司法參軍杜君墓誌銘

真州司法京兆杜洵濟叔年三十七以至祐四年四月辛  
酉卒子男某尚穉自將以下合貨財以葬於北城之野而  
留其孥以處杜氏世占永寧之博野父詢嘗歷江寧府司  
錄參軍遂葬家焉有子五人濟叔最少實慶曆六年進士  
臨川王某銘其葬焉銘曰

倚嗟杜氏博野之良有官于南遂宅以藏是生司法以節  
自強頌而陽陽翼而才其生可懷死矣皆傷江之北垣  
南墓在望奚葬不歸卜者曰祥後有子孫既實而昌求藏  
厥初來考銘章

金溪吳君墓誌銘

君和易罕言外如其中言未嘗極人過失至論前世善惡  
其國家存亡治亂成敗所繇甚可聽也嘗所讀書甚衆尤  
好古而學其辭其辭又能盡其議論年四十三四以進士  
試於有司而卒困於無所就其葬也以皇祐六年某月日  
撫州之金溪縣歸德鄉石廩之原在其舍南五里當是時  
君母夫人既老而子世隆世範皆尚幼三女子其一卒其

二未嫁云嗚呼以君之有與夫世之貴富而名聞天下者  
計焉其獨歎彼耶然而不得祿以行其意以祭以養以遺  
其子孫以卒此其士友之所以悲也夫學者將以盡其性  
盡性而命可知也知命矣於君之不得意其又何悲耶銘曰  
蕃君名字彥弼氏吳其先自姬出以儒起家世冕黻獨成  
之難幽以折厥銘維甥訂君實

太常少卿分司南京沈公墓誌銘

皇祐三年十一月庚申太常少卿分司南京錢塘沈公卒  
明年子披子括葬公錢塘龍居里先公尚書之兆卜十月  
甲戌吉與其宗謀銘則書公官壽行世來以請予論次其  
書曰沈氏自沈子逞以身屬社稷書於春秋文學賢勞功

名不曠于史而武康之族尤獨顯於天下至公高宗始徙去自為錢塘人大王父某當錢氏時匿不仕王父某官咸平端拱間至大理寺丞父某學行顯聞早世無爵位由長子同及公贈兵部尚書公諱周字望之少孤與其兄相踵為進士起家掾漢陽從事高郵用舉者入大理為丞監蘇州酒知簡之平泉縣縣人銘其政於石遂自封州守佐蘇州由蘇州為侍御史有以丞相指謁公者不為聽居頃之出刺潤州又刺泉州其為治取簡易訟有可已者輒諭以義使歸思之獄以故少泉州舊多盜日暮市門盡閉禁民勿往來公至除其禁而盜亦以止佐開封訟數年不遣者以百數公斷治立盡嘗代其尹爭獄於上大臣為公自絀

三司使請鑄大錢下其書議議者無敢忤公為其判官獨曰壞四錢為之可以當十民盜變舊錢且盡鑄之為誘民死耳不如無鑄議上如公言於是天子以江東之按察為已悉聞公寬厚即以為使盡歲無所劾而部亦以治稱然公已老不樂事權自請得明州明年遂以分司歸第三月卒夫人許氏六安縣君兩男世其家一女子已嫁公庶靜寬慎貌和而內有守春秋七十四更十三官而不一挂於法鄉黨故舊聞其歸則喜喪哭之多哀而無一人恨望者銘曰公生四方卒於故里先君之從祭則孫子有櫝有松有鬱其岡不阨不騫萬世之藏

君諱蕡字成之世為撫州金谿人曾祖某不仕祖德筠尚書屯田員外郎父敏尚書都官員外郎君以蔭入官任吉州太和袁州萍鄉縣主簿尉蘄州石橋茶場廬州司理臺壽州江寧府錄事參軍以其年月日卒于家享年若干君事親孝友于兄弟與厭侈父母兄弟寧窮困身妻子故老妻長子人不勝憂也義不忍貲親遺產悉推兄弟比沒世妻子遵約鄉人賢以為難君嘗議獄上官指教再三君弗許再三上官顧歎許舉京官君弗謝乃終弗舉後他上官率以質直弗舉也二男子偉豪長有志行如君二女子歸安脩睦王令季有特操如今豪養寡姊妹嫁孤甥夫婦孳孳鄉人又以為難卜以元豐八年某月日葬于唐州桐栢

縣淮源鄉實李祔臨川王某誌

右千牛衛將軍仲夔墓誌銘

君諱仲夔字彥之曾祖諱元佐是為魏恭憲王祖諱允言贈安遠軍節度使同中書門下平章事封密國公父宗悅前左屯衛大將軍池州團練使祁國公君官至右千牛衛將軍坐法廢熙寧元年年二十二以五月二十五日卒至某年某月某日葬河南府永安縣妻郭氏有六男子死者四人士殪今為右監門率府率一人尚幼銘曰  
託靈皇宗慶之多終以無祿傷如何棄此白日營山阿

贈右屯衛大將軍世仍墓誌銘

君諱世仍字季遷宣城郡公從審第十子宣城以越懿王

諱德昭為祖以安定郡公諱惟和為考君母曰渤海郡夫人吳氏實山南東道節度使元稹之孫娶潘氏鄭王美之孫也年二十二生二男子一女以熙寧元年八月二十三日卒於是官至右千牛衛將軍制以右屯衛大將軍告其第用二年二月十九日葬于河南府永安縣君授尚書能通章句遇人恭謹有息然喜飲酒以故得疾死銘曰有昭其明有韉其榮維其弗馮以隕其生

尚書都官員外郎侍御史王公墓碣銘

慶曆五年 天子以尚書都官員外郎通判荆南府王公為侍御史君一年以入三司為戶部判官又一年還之為言事御史頃之奏事殿中疾作歸翌日卒其家以不起聞 天子悼閔走中人贖之金帛又官其一子先是御史有物故者不贖由公故乃敕有司并贖蓋 天子之所以錄其忠如此自公舉進士時已能力學自立以經術游於江淮之南為學者所歸至為許州司理參軍則以其職與強貴人抗曲直獄疑當死賴以活者至數人再主簿於抗之臨安開封扶溝遂選開封府法曹參軍令皆不能出其治尹

亦不敢侵其守而薦者以十數歲當遷府推官惡不  
順已持其奏不肯書欲誣公請已公故不誣推官度  
終無可柰何乃卒任公遷祕書省著作佐郎已而覃  
恩遷祕書丞乃出知洪州分寧縣入爲審刑詳議官  
數以疑似辨上前轉釋及佐荆南能以義憚其守錯  
諸不法事嘗上書論南方用師討徭蠻不如撫而降  
之利先是公在京師天子以災異詔百官言事公  
所言有以儆世者其後御史府惡老者在事不能自  
已以言趣之去位公以謂於老者薄非所以廣仁孝  
於天下且養之非其道使至於無恥而等以法格之  
滋所以使人薄也乃推三代禮意爲養老頌以諷凡

公之行已治民及所以論於上者皆出於寬厚誠恕  
而其言易直以明故其召而爲御史也未至而好公  
者已信其能稱職矣同時御史聞一事皆爭言塞職  
其已嘗言公未嘗繼以言曰可悟上意足矣然排黨  
幸爲獨切其言多同時御史所不能言者每承上間  
言人不能無過若以古繩墨治之世殆無全人爲國  
家用者要之忠信而已忠信雖有過尚足用也其大  
指所存如此嗚呼古所謂淑人君子者公於是可以  
當之矣公旣行內修其大者爲世所稱至其施於小  
亦皆敏而盡力顧余不得盡載也然讀余之所載則  
亦槩足以知公矣公諱某字其其先爲漢馮門太守

者曰澤澤後十八世雄爲唐東都留守封望太原族墓在河南而世宦學不絕爲聞姓至唐之將亡雄諸孫頗陵夷始自缺其譜亡不知幾傳而至護始居福之候官曰本河南人雄之後也護生伸伸生廷簡當閩王審知時被署爲安遠使有勞烈於其國審知死遂置其官以老安遠二子其季居政娶邑里姚氏女生公自護四世至公始以文行發名追官皇考至祕書丞而以昭德縣太君封其母夫人曾氏贈尚書兵部侍郎會之女封金華縣君婦順母嚴公所以紀其家蓋有助焉生五男子回向固同罔皆爲士其文學行義有過絕人者故人莫不知公後世之將大顯以

蕃而以公之仕不充其志爲無憾也公年六十三以既卒之三年葬潁州之某鄉某原初公嘗過游潁之樂故諸孤御其母家焉而以公於葬至是回之友臨川王某追銘墓上實至和二年也銘曰  
顯姓維王出不一宗公先河南實祖於雄來閩四世乃挺以生其來則否其去而享歸忠于君播惠在昨配時前人駿發以升世不載德孰爲榮名謂公有後其豈公卿

孔處士墓誌銘

先生諱昉字寧極睦州桐廬縣尉諱詢之曾孫贈國子博士諱延滔之孫尚書都官員外郎諱昭亮之子

自都官而上至孔子四十五世先生嘗欲舉進士已  
吾悔曰吾豈有不得已於此邪遂居于汝州之龍興  
山而上葬其親於汝汝人爭訟之不可平者不聽有  
司而聽先生之一言不羞犯有司之刑而以不得於  
先生爲耻慶曆七年詔求天下行義之士而守臣以  
先生應詔以是朝廷賜之米帛又敕州縣除其雜賦  
嘉佑三年近臣多言先生有道德可用而執政度以  
爲不肯屈除守祕書省校書郎致仕四年近臣又多  
以爲言乃召以爲國子監直講先生辭乃除守光祿  
寺丞致仕五年大臣有請先生爲其屬縣者於是天  
子以知汝州龍興縣事先生又辭七未聽而六月某

日先生終於家年六十七大臣有爲之請命者乃特  
贈太常丞至七年月日弟鵬葬先生於堯山都官之  
兆而以夫人李氏祔李氏故大理評事昌符之女生  
一女嫁爲士人妻而先物故先生事父母至孝居喪  
如禮遇人恂恂雖僕奴不忍以辭氣加焉衣食與田  
桑有餘輒以贖其鄉里貸而後不能償者未嘗問也  
未嘗疑人人亦以故不忍欺之而世之傳先生者多  
異學士大夫有知而能言者蓋先生孝弟忠信無求  
于世足以使其鄉人畏服之如此而先生未嘗爲異  
也先生博學尤喜易未嘗著書獨大衍一篇傳於世  
考其行治非有得於內其孰能致此耶當漢之東徙

高守節之士而亦以故成俗故當世處士之聞獨多於後世乃至於今知名為賢而處者蓋亦無有幾人豈世之所不尚遂湮沒而無聞抑士之趨操亦有待於世邪若先生固不為有待於世而卓然自見於時豈非所謂豪傑之士者哉其可銘也已銘曰  
有入而不出以身易物有往而不反以私其佚嗚呼先生好潔而無尤匪佚之為私維志之求

右領軍衛將軍致仕王君墓誌銘

君王氏諱乙字次公其望在太原而實家大名之元城不知其始所以徙會祖諱安當周世宗時為閤門通事舍人祖諱廷溫開寶中奉寧軍節度副使考諱

奉諱右班殿直贈在武衛大將軍君嘗舉進上不中因獻其所藏書祕閣而上書言先臣某逮許王於先皇帝有一日之幸臣實其子天子下其問驗以為三班借職累遷至內殿崇班閤門祇候淮南東路都巡檢使皇祐二年年七十三以右領軍衛將軍致仕卒於海州而以嘉祐二年葬真州之揚子縣某鄉某原以後夫人劉氏祔於是先夫人林氏既葬矣君強記博聞剛毅而聰明好學書雖老矣讀書未嘗少止於窮人賤士苟義所在樂與之為膠漆一欲以不直加我雖嚴貴人義終不為受也數上書言事皆中世病而用事者多不聽聽者兩言耳又事之小者然當

時蒙其利言楚州可去堰為誦歲省卒二十一萬七千人錢一百三十萬米六萬八千石又言河陰可以茶塩畧入穀而漕之河北為十說以排三司之難三司不能絀其一此當時蒙其利者也 宋興百年大定於太宗至 真宗內外富矣內外自是遂務以無為養息天下朝廷所尚賢良進士而將相大臣之世用君方慨然懷古人趨赴功業之意欲起貧賤不勢左右而以其辯智富人主衆圓獨方用非其時卒以不合嗚呼甚可悲也然天下不肖多畏惡君以其伉直而幸其齟齬不得意以老獨賢者哀之耳君子越石秦州觀察判官其次子仁傑為進士女二人嫁

進士林度陳州項城主簿宋造余嘗為君僚而與其子越石同年進士也銘其葬曰

強能吾羸吾與之為抗羸者惴惴吾與之為讓卒羸于強以室下行維其心之享以實其聲耳也

宋贈保慶軍節度觀察留後追封東陽郡

公宗辯墓誌銘

公諱宗辯字慎微祖諱元佐是為魏恭憲王考諱允升大師平陽郡王謚曰恭懿公平陽第十三子生數歲而平陽薨事母孝友于兄弟好讀書不舍晝夜常獻所為文得試學士院兄弟內人皆中優等遷官而仁宗遇公甚寵嘗親書近親才賢好文博古八字賜

之公既好書又嗜醫方所蓄方甚衆每躬自治藥以  
振人之疾其惻隱不倦蓋天性也以熙寧元年七月  
已卯終于睦親北宅享年四十六官至右衛大將軍  
金州防禦使爵天水郡開國公食邑三千戶食實封  
五百戶贈保寧軍節度觀察留後追封東陽郡公夫  
人李氏封德安郡君贈尚書中書令漢瓊之孫子男  
十五人仲富右內率府副率仲尋右羽林軍大將軍  
黎州團練使仲縮右武衛大將軍雅州刺史仲璽右  
武衛大將軍彭州刺史仲絨右千牛衛將軍仲沂右  
監門率府率仲現在內率府副率仲富前公卒餘亦  
皆蚤死女子十九人嫁者四人未嫁而死者九人餘

尚幼也二年二月十七日葬河南永安縣銘曰

猗歟賢公蕃此皇國耀其藻章以賁明德能不外勸  
維家之筋厥承詵詵我無射如何不怡遂求窀穸

贈虔州觀察使追封南康侯仲行墓誌銘

公諱仲行字德之故婺州觀察使諱宗迥之子贈節  
度使同中書門下平章事蔡國公諱允言之孫魏王  
諱元佐之曾孫母曰齊安郡君梁氏慶曆四年賜名  
除太子右衛率府率右監門衛大將軍爵天水郡開  
國侯食邑一千三百戶年二十二以治平四年八月  
二十九日卒贈虔州觀察使追封南康侯夫人張氏  
封壽昌縣君子男士侂早卒士泉右監門率府率其

季與女皆尚幼君仁而好學其卒也宗室皆憐傷其葬也以熙寧二年二月十七日葬河南府永安縣銘曰爵之尊祿之殖維年之卑不配德

贈華州觀察使追封華陰侯仲厖墓誌銘

公諱仲厖字子厚濮國公宗樸之子濮安懿王諱允讓之孫魯恭靖王諱元份之曾孫也母曰蕭國夫人王氏以皇祐元年賜名除太子右內率府副率二年改太子右監門率府率嘉祐五年改右千牛衛將軍八年改右監門衛大將軍治平二年領嘉州刺史四改右武衛大將軍領雅州團練使熙寧元年二十

四以三月三日卒上為不視朝一曰內出司賓祭弔贈華州觀察使追封華陰侯公生而秀麗長而聰敏於宗室為好學上承下撫無不得意故其卒哭者皆為盡哀妻馬氏封安平縣君女一人尚幼公以熙寧二年二月十七日葬河南府永安縣銘曰維濮世封實承安懿公緒厥慶尚終有嗣奄其喪矣一女之存歸銘幽宮以慰公魂

贈奉寧軍節度使追封初國公宗述墓誌

銘

公諱宗述字子耆韓恭懿王諱元偓之孫而東平郡王銘允弼之子也以天聖元年生以景祐元年賜名

除右侍禁歷太子右司禦率府右監門衛將軍左屯  
衛大將軍廉州刺史隰州團練使維州嘉州防禦使  
熙寧元年正月十八日以不起聞 上幸其第奠哭  
之贈奉寧君節度使追封祁國公越明年二月十七  
日葬河南永安縣公重厚寡笑言內行治未嘗有謫  
樂振施知音樂善射尤爲東平王所愛妻任氏樂安  
郡君子男七人仲瑒仲俶仲誘仲冠仲醞仲瑒早卒  
兩人未名而死銘曰

維德之嘉維能知多惟命之不遐宗室之嗟

臨川王荆公先生文集卷之九十八終

